



MØTEPROTOKOLL

Utval: Formannskapet
Møtedato 16.04.2020
Møtetid: Kl. 15:00 - 18:45
Møtestad: Teams/telefonmøte

Av 9 medlemmer møtte 9, inkludert varamedlemmer.

Medlemmer møtte:	Parti:
Jon Magne Borgevik	Ap
Shirin Kvernes Khadoor	Ap
Knut Harald Frøland	Bl
Lena Tveit	Bl
Martin Haugen	Bl
Odd Arne Haga	Frp
Gunn Totland Moss	KrF
Øyvind Strømmen	MDG
Øyvind Røen	Sp

Møtenotater:

Gunn Totland Moss (Kr) kom ikkje med i møtet før etter godkjenninga av møteinnkallinga og saklista.

Andre som var til stades på møtet:

- Charlotte Hageberg, rådmann
- Jan Erik Boge, rådgjevar

Dokument som vart sendt ut i møtet:

- Fellesuttale frå samarbeidskommunane Kvinnherad, Ullensvang, Kvam, Bjørnafjorden og Samnanger til Nasjonal transportplan (NTP) 2022-2033

Sak 012/2020 vart handsama før sak 011/2020.

Møteleiar:	Knut Harald Frøland
Møtesekretær:	Jan Erik Boge

Underskrift frå utvalsleiar og møtesekretær:

Tysse, 17.04.2020

Knut Harald Frøland
ordførar

Jan Erik Boge
leiande rådgjevar

Desse sakene vart handsama:

Sakliste

Sak nr.	Arkivsak	Sakstittel	Merknad
010/2020	20/332	Faste saker	
011/2020	18/1024	Delegering av mynde i høve sak for Bergen Tingrett	
012/2020	20/299	Uttale til Nasjonal transportplan (NTP) 2022-2033	
013/2020	20/245	Tiltak konronakrisa	

SAKNR. 010/2020: Faste saker

16.04.2020 Formannskapet:

Handsaming i møtet:

Godkjenning av innkalling og sakliste:

Ordførar Knut Harald Frøland (BI) sette fram framlegg om å ta følgjande to tilleggssaker inn på saklista:

1. Uttale til Nasjonal transportplan (NTP) 2020-2033
2. Tiltak koronakrisa

Det vart gjennomført separat røysting for om kvar av desse to sakene skulle takast inn på saklista. Det vart samrøystes vedteke å ta begge sakene inn på saklista. Det vart bestemt at saka om uttale til Nasjonal transportplan skulle handsamast som første sak i møtet, og saka om tiltak koronakrisa som siste sak.

Det var elles ingen merknader til innkallinga eller saklista.

Merknader til protokollen frå førre møte:

Ingen merknader.

Orienteringssaker:

Sak om innmelding i E134 Haukelivegen AS

Ordførar Knut Harald Frøland (BI) orienterte om at det vil koma opp sak i kommunestyret 30.04.2020 om innmelding av Samnanger kommune i E134 Haukelivegen AS.

Rapport frå gransking av barnevernssaker (rapport nr. 2)

Rådmann Charlotte Hageberg orienterte om at rapporten frå granskninga no er ferdig, og at den vil verta lagt fram for kommunestyret 30.04.2020.

Lovlegkontroll skjenkeløyve Milano Pizzeria Bjørheim

Ordførar Knut Harald Frøland (BI) orienterte om at Fylkesmannen har gjennomført lovlegkontroll av kommunestyret sitt vedtak om å gje skjenkeløyve til Milano Pizzeria Bjørkhei, og oppheva vedtaket. Sak om dette vil truleg koma opp i kommunestyret 30.04.2020.

Ekstramidlar til vedlikehaldstiltak

Ordførar Knut Harald Frøland (BI) orienterte om fylkeskommunale midlar til gjennomføring av vedlikehaldstiltak i kommunane i samband med koronakrisa, for å oppretthalda aktivitet i næringslivet i denne perioden. Rådmann Charlotte Hageberg orienterte om at Samnanger har sendt søknad til fylkeskommunen om slike midlar. Ho orienterte òg kva vedlikehaldstiltak kommunen har søkt om midlar til.

Innføring av ACOS Møteportal for folkevalde i Samnanger

Rådgjevar Jan Erik Boge orienterte om at prosjektet med innføring av ACOS Møteportal for folkevalde i Samnanger har blitt litt forseinka, men at avtale med leverandøren no er på plass og at prosjektet vil starta opp så snart leverandøren har kapasitet til dette.

Markering av 8. mai

Øyvind Røen (Sp) viste til informasjon i vedlegg til møteinnkallinga om endra rammer for markeringa av 8. mai i 2020. Det er enno ikkje teke endeleg stilling til eventuell markering av 8. mai 2020 i Samnanger.

Utvalet sitt kvarter:

Statusrapport for einingane i samband med koronakrisa

Martin Haugen (Bl) spurde om rådmannen kunne gje ein statusrapport om situasjonen i einingane. Rådmann Charlotte Hageberg orienterte om at ho ville koma tilbake til dette seinare i møtet, under handsaminga av saka om tiltak koronakrisa.

Status tilsetting av kulturskulerektor

Martin Haugen (Bl) spurde om kva som er status for tilsetting av ny kulturskulerektor. Rådmann Charlotte Hageberg orienterte om status. Det er enno ikkje heilt avklart kven som vert tilsett.

FORM- 010/2020 Vedtak:

Møteinnkallinga og saklista vert godkjent, med følgjande endring: To tilleggssaker vert tekne inn på saklista:

1. Uttale til Nasjonal transportplan (NTP) 2020-2033
2. Tiltak koronakrisa

Delegerte vedtak/referatsaker vert tekne til orientering.

Rådmannen sitt framlegg til vedtak:

- Møteinnkallinga og saklista vert godkjent.
- Delegerte vedtak/referatsaker vert tekne til orientering.

SAKNR. 011/2020: Delegering av mynde i høve sak for Bergen Tingrett

16.04.2020 Formannskapet:

Handsaming i møtet:

Det vart under handsaminga av saka avklart at endeleg vedtak i saka skal gjerast av kommunestyret.

Rådmannen sitt framlegg vart vedteke med åtte mot ei røyst. Jon Magne Borgevik (Ap) røysta imot framlegget, dei andre medlemmene røysta for.

FORM- 011/2020 Vedtak:

Ordføraren er kommunen sin rettslege representant og har mynde til å møte i retten og representere Samnanger kommune i tvisten Frode Stien mot Samnanger kommune i Bergen Tingrett, i tråd med føringar i Kommuneleva og Samnanger kommune sitt delegeringsreglement.

Rådmannen vert delegert mynde til å ta avgjerd om prosesshandlingar og bruk av rettsmidlar, inngå forlik, avslå tilbud om forlik, dekke sakskostnader eller avslå krav om å dekke sakskostnader. Fullmakta gjeld alle rettsinstansar og eventuelt ny sak med utspring i same rettshøve.

Fullmakta gjeld likeeins ved utanrettslege høve, i sak med utspring i same rettshøve.

Delegert fullmakt kan delegerast vidare.

Formannskapet skal haldast orientert.

Rådmannen sitt framlegg til vedtak:

Ordføraren er kommunen sin rettslege representant og har mynde til å møte i retten og representere Samnanger kommune i tvisten Frode Stien mot Samnanger kommune i Bergen Tingrett, i tråd med føringar i Kommuneleva og Samnanger kommune sitt delegeringsreglement.

Rådmannen vert delegert mynde til å ta avgjerd om prosesshandlingar og bruk av rettsmidlar, inngå forlik, avslå tilbud om forlik, dekke sakskostnader eller avslå krav om å dekke sakskostnader. Fullmakta gjeld alle rettsinstansar og eventuelt ny sak med utspring i same rettshøve.

Fullmakta gjeld likeeins ved utanrettslege høve, i sak med utspring i same rettshøve.

Delegert fullmakt kan delegerast vidare.

Formannskapet skal haldast orientert.

SAKNR. 012/2020: Uttale til Nasjonal transportplan (NTP) 2022-2033

16.04.2020 Formannskapet:

Handsaming i møtet:

Innleiingsvis orienterte ordførar Knut Harald Frøland om saka. Han last òg opp fellesuttalen som er sendt inn frå Bjørnafjorden, Samnanger, Kvam, Ullensvang og Kvinnherad:

"Fellesuttale frå samarbeidskommunane Bjørnafjorden, Samnanger, Kvam, Ullensvang og Kvinnherad.

Kommunane har til saman 60.000 innbyggjarar. Samt eitt variert næringsliv med stor verdiskaping.

Uttale:

Rassikring, god standard på vegane og trafikkisikring må ha høg prioritet. Vestland er eitt av dei fylka som har størst behov for opprusting og vedlikehald av vegane. Eksisterande vedlikehaldsetterslep må hentast inn i planperioden. For person- og næringstransport er vi avhengige av at vegane våre held god standard og at dei er trygge.

Samarbeidskommunane vil at ein skal prioritere investeringar som sikrar gul stripe på strekningar som har smal vegbane. Samt utbetring av strekningar som har låg standard, samt høg risiko for ras og ulukker.

E 134 Haukelitunnelane

E 134 er det viktigaste aust-vest sambandet. I aust/vest utgreiinga vart det slått fast at vegsambandet har høgast samfunnsnytte nasjonalt sett. Vidare inkluderer utbygging av sambandet sikring av mange raspunkt i Vestland. Med arm til Bergen så er influensområdet opp mot 3 mill innbyggjarar. KVVU på arm til Bergen må utgreiast. Det er tverrpolitisk semje nasjonalt og lokalt om tidleg oppstart i inneverande NTP - seinast 2022-2023. Tunnelane på strekninga Seljestad- Liamyrane-Vågsli er ferdig regulert, og må startast opp tidleg i komande NTP. Med dette så vil vintersikkerheten verta mykje betre for både næringstransporten og dei priva treisande, i tillegg til store mengder spart drivstoff, pga over 1000 reduserte høgdemeter, og tilsvarande reduserte utslepp.

E-39

E-39 er svært viktig for samarbeidskommunane som vil ha stort utbytte av nærleik til denne. Kommunane ønskjer ikkje bru over Bjørnafjorden (Hordfast), men ei utgreiing av ferjefri E-39 med indre trase kor ein sikrar gode koplingar til store områder i fylket. Samt legg til rette for fortsatt sterk

verdiskaping i vår region og i Vestland fylke.

Knut Harald Frøland sette fram framlegg om at formannskapet stiller seg bak denne fellesuttalen. Framlegget til Knut Harald Frøland vart vedteke med åtte mot ei røyst. Odd Arne Haga (Frp) røysta imot framlegget, dei andre medlemmene røysta for.

FORM- 012/2020 Vedtak:

Formannskapet i Samnanger kommune stiller seg bak fellesuttalen frå Bjørnafjorden, Samnanger, Kvam, Ullensvang og Samnanger.

Rådmannen sitt framlegg til vedtak:

Saka vert lagt fram utan tilråding frå rådmannen.

SAKNR. 013/2020: Tiltak konronakrisa

16.04.2020 Formannskapet:

Handsaming i møtet:

Innleiingsvis orienterte ordførar Knut Harald Frøland (Bl) og rådmann Charlotte Hageberg om kriseleiinga og administrasjonen/kommuneorganisasjonen sitt arbeid under koronakrisa. Dei svara òg på spørsmål frå formannskapet.

Etter dette var det debatt om barnehagane og småtrinnet (1. - 4. trinn) på barneskulen i Samnanger skal opna slik styresmaktene ønskjer (barnehagane i løpet av veke 17/2020 og småtrinnet 27.04.2020). Nokre av medlemmene i formannskapet argumenterte for at Samnanger bør opna slik styresmaktene ønskjer, medan andre argumenterte for at me bør venta ei til to veker i forhold til det styresmaktene ønskjer.

Ordførar Knut Harald Frøland sette etter debatten fram ønske om røysting for å avklara kven av medlemmene som ønskte å følgja styresmaktene fullt ut med omsyn til tidspunkt for opning av barnehagane og småtrinnet på barneskulen. Det vart først bestemt at det skulle gjennomførast ei prøverøysting. Der røysta fem medlemmer for å følgja styresmaktene fullt ut og fire røysta imot.

For å følgja styresmaktene fullt ut	Imot å følgje styresmaktene fullt ut
Lena Tveit (Bl)	Knut Harald Frøland (Bl)
Martin Haugen (Bl)	Øyvind Røen (Sp)
Shirin Kvernes Khadoor (Ap)	Gunn Totland Moss (KrF)
Jon Magne Borgevik (Ap)	Odd Arne Haga (Frp)
Øyvind Strømmen (MDG)	

Etter prøverøystinga vart det bestemt at prøverøystinga òg skulle gjelda som endeleg røysting i saka.

FORM- 013/2020 Vedtak:

Samnanger kommune følgjer det styresmaktene har bestemt om tidspunkt for gjenopning av barnehagar (i løpet av veke 17/2020) og gjenopning av småtrinnet på barneskulen (20.04.2020).

Rådmannen sitt framlegg til vedtak:

Saka vert lagt fram utan tilråding frå rådmannen.